

peregrini studii, sine conversationis cum exteris proposito, qualia in meum censum non veniunt, sed de iis loquor lexicis, aut, sub millenis aliis titulis, tali librorum farragine, quæ conscripta est singulis populis amore vicinitatis, labore bellorum in hostes, proposito conversationis cum barbaris, exteris, peregrinis, aut alius dialecti populis. Qualia sunt Arabico-Latina, Syro-Latina, Chaldæo-Latina, Ebræo-Latina, Persico-Latina, Turcico-Latina, Hungarico (quæ gens una ex Tataris, uti Turcæ) Latina, Ægyptiaco-Latina, Armeno-Latina, & Latino idiomati substitutis Gallicis, Hispanicis, Italicis, Græcis, Anglicis, Germanicis, Belgicis, & cum Orientalibus prædictis studio, laboreque felici conjunctis.

Talium lexicorum omnes nostri occidentis, septentrionisque multi populi privatim quique sibi necessitate adducti, aut Publici in academia, universitateque ad id Professores honore, gloria, studio famæ, voluntate benefaciendi, amore externa scripta cognoscendi, aut à principibus regni, reive suæ publicæ viris stipendio, muneribus, officiis, salario, immunitatibus, privilegiis ornati, muniti, instructi conscribere varia volumina, quorum tamen ne centesima lucem viderunt, utique quæ à legatis, residentibus, mercatoribus, aut aliis publicis privatisque personis fuerant composita. Nam quæ prodire in lucem sunt paucissima, at illorum, quæ intercidere, aut bibliothecis latent, est ingens & ultra fidem excreescens numerus. Præteritis enim ante mille annos seculis eodem fervore nostri Christiani, adde & majore grassabantur in externarum commercium linguarum. Quantum est, quod ubique latet, quantum quo bibliothecæ gaudent, at quanto plura, & centies plura, quæ